

SCRIPT OF EVENING GOJRI NEWS BULLETIN 28MAY 2025

1700HRS

اونینگ گو جری نیوز بلیٹن مورخہ 28 مئی 2025

یوہ آکا شوانی جموں بے نصرت تے غلام سرور تیں خبر سُنو۔

HEADLINES

۱۔ وزیر اعلیٰ عمر عبداللہ نے اج گلمرگ مانہ وزارتے انتظامی سیکرٹری کی میٹنگ کی صدارت کی۔

۲۔ ٹی بیوزیر اعلیٰ سریندر چودھری نے کہیو کہ جموں کشمیر دہشت گردی غے خلاف مضبوطی نال کھلو بے تے سیاحت کی بحالی اُن کی اولین ترجیح ہے۔

۳۔ بھارتی فوج نے ضلع پونچھ مانہ قبضہ لکیر نال لگتا علاقہ مانہ زندہ بم گولاں نانہ ناکارہ بنایو تے شہریاں نانہ خطرہ تیں بچان بارے آپریشن شروع کیو۔

۴۔ خوشبودار کھیتی تے جامنی انقلاب یعنی پریل ریولوشن نانہ فروغ دین بارے بھدواہ مانہ ایک تے دو جون نانہ لائیوٹر فیسٹیول 2025 گو انعقاد کیو جے غو۔

CM GULMARG MEETING

معمول کی بحالی کی کوششاں نانہ جاری رکھتاں وزیر اعلیٰ عمر عبداللہ نے اج گلمرگ مانہ وزراء تے انتظامی سیکرٹری کی میٹنگ کی صدارت کی۔ اس میٹنگ غو مقصد خوف نانہ دور کرنو تحفظ تے اعتماد غا احساس نانہ تقویت دینو تے کشمیر مانہ سیاحت تے اقتصادہ سرگرمیاں غا راہ ہموار کرنو بے ذراغ غا نمائندہ سنگ گل بات کرتاواں وزیر اعلیٰ نے کہیو کہ جموں کشمیر مانہ سیاحت نانہ معمول ور لانو تے بحال کرن کی کوشش جاری ہے اس موقع ور اُن گو کہنو تھو۔

DY CM

ٹی بی وزیر اعلیٰ سریندر چودھری نے اج کہیو کہ جموں کشمیر دہشت گردی غے خلاف مضبوطی سنگ کھلو بے تے بے خوف بے اُنہاں نے کہیو کہ بزدلانہ حملہ ریاست غا حوصلہ نانہ کمزور نی کرسکتی۔ تے نہ بی امن نانہ خراب کرسکے۔ اُنہاں نے مزید کہیو کہ حالات نانہ معمول ور لانو ضروری ہے تے سیاحت معاشی بحالی غو ایک اہم ذریعو ہے اُنہاں نے حکومت غا اُس عزم نانہ دہرایو کہ جموں کشمیر نانہ ایک محفوظ تے پُرامن جگہ بنایو جے گو تانجے ملک بھر تیں تے بیرون ملک تیں سیاہ اتاں۔

APD REACTION

ایک اہم سفارتی اقدام مانہ ایک آل پارٹی پرائیمانی وفد پہلگام دہشت گردانہ حملہ تے آپریشن سندھور تیں بعد دہشت گردی غے خلاف بھارت کی صفر بر داشت غو پیگام پہچان بارے بیرون ملکاں گو دورو کر رہیا ہیں جس غو مقصد دہشت گردی غے خلاف عالمی حمایت نانہ بدھانو تے امن وسلامتی بارے بھارت غا عزم نانہ اُجاگر کرنو ہے تاہم اس طرح جموں کشمیر غا لوکاں نے اس قدم غو خیر مقدم کیو ہے تے اُمید ظاہر کی ہے کہ بین العوامی توجہ کی وجہ سنگ سرحد پار دہشت گردی ور مبزول کرے گی تے علاقائی استحکام نانہ برقرار رکھن بارے بھارت کی کوششاں نانہ مزید تقویت لبے گی تے انصاف نانہ یقینی بنایو

جاسکے غو آکاشوانی خبراں آلا شعبہ سنگ گل کرتا واں ایک شخص نے اپنا خیالات گو
اظہار کرتا واں اس طرح کہیو۔

MORTAR SHELL POONCH

پونچھ غا سرحدی گراں کوسالیاہ مانہہ جامع مسجد غے قریب ایک زندہ موٹار شیل لبو جس
نانہہ بھارتی فوج نے کامیابی سنگ ناکارہ بنایو یوہ علاقو قبضہ لکیر غے قریب بے مقامی
لوکاں غے مطابق یوہ شیل پاکستان غی جانب تیں فائر کیو گیو تھو جھڑو کہ آپریشن سندور
تیں بعد سیز فائر غی خلاف ورزی غے دوران کیو پاکستان غی طرفوں رہا شعی علاقوں ور
پاری گولہ باری کی گئی جس مانہہ موٹار تے توپ شامل تھا۔ کئی گولہ بھٹ نانہہ سکا تے
گھراں غے قریب کھیتاں مانہہ دھس گیا فوج نے کلیرنس آپریشن شروع کیو بے تانجے ان
تمام خطرناک ہتھیاراں نانہہ محفوظ طریقہ سنگ ناکارہ بنایو جاسکے تے عام لوکاں غی جان
و مال غی حفاظت نانہہ یقینی بنایو جاسکے۔

SALAL DAM GATES OPEN

ضلع انتظامیہ ریاسی نے عوام نانہہ مطلع کیو بے کہ سلال ڈیم غا متعدد گیٹ کھول دیتا گیا
ہیں جس کا نتیجہ مانہہ دریا چناب غا پانی کی سطح مانہہ نمایاں اضافو متوقع بے اس کا پیش
نظر انتظامیہ نے احتیاطی ایڈوائزری جاری ک بے جس مانہہ دریا گے کنڈے تے اس نال ملتا
جلتا خطراں آلی جگہاں تیں روکیو گیو بے اس سلسلہ مانہہ دریا گے نیڑے بینکاں تے زلزلین
نانہہ سختی سنگ مشورو دتو گیو بے کہ اگلی اطلاع توڑی دریا غے چناب گے نیڑے جان تیں
گریز کریں۔

LAVENDER FESTIVAL

خوشبو دار کاشتکاری تے پریل ریولوشن نانہہ فروغ دین واسطے ایک اہم قدم غا طور ور
سی ایس آئی آر آئی سی ایم 1 تے 2 جون 2025 نانہہ گورنمنٹ ڈگری کالج بدرواہ ڈوڈھ
مانہہ لاوینڈر فیسٹیول 2025 غو انعقاد کر رہیا ہیں اس تقریب غو افتتاح مرکزی وزیر ڈاکٹر
جتندر سنگھ کریں گا۔ 2 روزہ تقریب غیاہم خصوصیات مانہہ زرعی ستارت اپس غی نمائش
لاوینڈر غا کساناں تے لاوینڈر غی کھیتاں غو دورو ٹیکنی کل سیشن تے ہور بہت کچھ شامل
وے گو اس تقریب غ و مقصد کساناں نانہہ پیدار طریقاں تینوی تکنیکاں غے ذریعے
بالاختیار بنانو بے یا پہل خوشگوار کاشتکاری تے کاروبار مانہہ آمدنی بدھان تے یوہ سی ایس
آئی آر غا مشن غو ایک حصو بے۔

VIKSIT KRISHI SANKALP ABHIYAN

پلک تے شروع ہوئے 12 جون توڑی چلن آلی ملک گیر وکست کرشی سنکلپ ابھیان مہم غا
ایک حصہ غا طور ور سکاسٹ کشمیر نے اج کرشی وگیان کیندر سانہہ مانہہ ایک پریس
کانفرنس غو انعقاد کیو۔ اس پریس کانفرنس کی صدارت سید نسدان تے سربراہ کے وی کے
سامہ ڈاکٹر سنجے کھجوریہ نے کی انہاں نے زرعی ابلاغ سنگ خطاب کرتا اس مہم کی
تیاریاں تے مقاصد ور لوکھلی۔ ان غی طرفوں دسیو
گیو کہ اس مہم غ و مقصد کساناں نانہہ جدید ٹیکنالوجی تے بہتر طریقاں گے ذریعے باختیار
بنانو بے جس مانہہ کساناں نانہہ خریف کی فصلوں، مٹی غی صحت تے سرکاری اسکیمیں

بارے جانکاری دتی جے گی۔ آکاشوانی غا خبراں آلا شعوبہ سنگ گل کرتا واں اُنہاں نے اس طرح کہیو۔

HORTICULTURE RAMBAN

رام بن مانہ محکمہ باغبانی گی طرفوں پھلاں گی پیداوار مانہ برو تری کرن تے مقامی کاروباریاں گی مدد کرگے معاشی ترقی نانہ مزید برو تری دتی جارہی ہے اس سلسلہ مانہ وزیر اعظم نکی خوراک پروسیسنگ کاروباریاں سکیم غے تحت محکمہ گی طرفوں 10 لکھ سب سیڑی فی یونٹ دتی جے جس گو مقصد ماکرو فوڈ پروسیسنگ یونٹ نانہ باختیار باضابطہ بنانو تے کاروبار مانہ اضافو کرنو ہے۔ اس سکیم غے ذریعے مہارتاں مانہ برو تری تے تکنیکی مدد تے تربیت مانہ وی اضافو لبے آکاشوانی خبراں آلا شعوبہ سنگ گل کرتا واں رام بن غا ایریا مارکیٹنگ آفیسر تحسین اقبال چیب نے اس طرح کہیو۔

ITI KISHT APPLICATION

صنعتی تربیتی ادارہ کشتواڑ نے 15 مختلف تربیتی نصاب مانہ داخلہ واسطے آن لائن درخواست طلب کیں ہیں، جنمانہ سٹینو گرافی، کوپا، الیکٹریشن، پلمبر ویلڈر تے مکینک شامل ہے ادارہ غا پرنسپل انوپ شرما نے غیر ہنر مند تے بے روز گار نوجواناں تین اپیل کی کہ ان تربیتی پروگراماں تیں فائدو چاہیں جہیرا روز گار غا مواقع بدھان واسطے بنایا گیا ہیں اُنہاں نے کہیو کہ اج غا دور مانہ ٹیکنیکل تعلیمی بڑی اہمیت ہے کیونجے نشست محدود ہیں اس واسطے دلچسپی رکھن آلا آمیدوار جلد درخواست آن لائن ویب سائٹ ور جمع کراویں۔ یاہ پہل قومی سکول انڈیا مشن غے تحت کی جارہی ہے۔ آکاشوانی غا خبراں آلا شعوبہ سنگ گل کرتا واں کشتواڑ آئی ٹی آئی غا پرنسپل انوپ شرما نے اس طرح کہیو۔
